

2023-mi aningaasarsiat akileraaruteqaataasussat naatsorsornerini ilitsersuutearaq, akinut naligitanullu najoqqutassiat.

S 2a

2023-mut nammineerluni nalunaarsuummut ilitsersuut (S 2) sukumiisoq Innuttasunut Sullissivimmit pissarsiarineqarsinnaavoq, imaluunniit internettikkut nittartakkami www.aka.gl –imi takuneqarsinnaalluni.

Piffissanut agguataarisogartarnernut maleruagassat immikkut ittut il.il. pissutigalugit nunatsinnut tikissimasut nunatsinniillu aallarsimasut nammineerluni nalunaarsuiffimmik immersuilersigat S 2-mik piniaqqaarnissaat innersuussutigineqarpoq.

MALUGIUK: Ukioq isertitaqarfimmiit 2023 ajunngitsorsiat nalingi akileraaruserneqassapput, aningaasarsiat A-nik isertitaqartunut atugassiussutigineqartut, aningaasarsiat A-tut.

1. Nioqqutissanik nammineq atuineri akit najoqqutassat: Inummumut ataatsimut ukiumut

Iffortut	18.400 kr.
Niuertut qeritanik nioqquteqanngitsut	19.000 kr.
Niuertut qeritanik nioqquteqartut	25.100 kr.
Savaatillit tuttuutillilu	2.250 kr.
Neqaarniat pisiniarfiutillit	24.300 kr.

Meeqqat ukiup aningaasarsiorfiup aallartinnerani 12-inik ukioqalersimangitsut akiusup affaanut naatsorsuuneqassapput.

Akigititani imigassat kimittuut, immiaaqqat, viinnit tupallu ilanngunneqanngillat tamakunangalu atukkat nalingi ilanngunneqartassapput.

2. Suliffeqarfimmit akeqanngitsumik nerisaqartitaanerup nalingi: Inummumut ataatsimut ukiumut

Tamakkiisumik nerisaqarneq ullormut.....	81 kr.
Ilaanakortumik nerisaqarneq (nerinerit marluk) ullormut.....	60 kr.
Ilaanakortumik nerisaqarneq (nerineq ataaseq) ullormut	46 kr.

3. Utoqqalinersiutillit il.il. akeqanngitsumik nerisaqartitaanerup nalinga:

Utoqqaat illuini najugaqartunut inuillu allat isumaginninnermi inissisarfimmiittut il.il. akeqanngitsumik nerisarnerisa nalingat inummumut ataatsimut ullormut ilanngunneqassapput 81 kr.

4. Suliffeqarfimmit akeqanngitsumik ineqartitaanerup/najugaqartitaanerup nalinga:

Akeqanngitsumik ineeqqamik, inissiaaqqamik (ineeraq igaffeerartalik), inissivittut taaneqarsinnaanngitsumik, najugaqartitaaneq 2023-mut 17.902 kr.-nut nalilernerarpoq. Pisor-taatanut, hoteldirektorinut assigisaannullu akeqanngitsumik najugaqartitaasunut akit immikkut ittut atuupput. Akigititaq inummumut ataatsimut ukiumut 62.900 kr.-iuvoq. Meeqqalli ukiup aningaasarsiorfiup aallartinnerani 12-inik ukioqalersimangitsut affaanarmik naatsorsuuneqassapput.

5. Biilit akeqanngitsumik atorineqartartut nalingat – nalingi nikerarsinnaapput. Biilit Kalaallit Nunaata avataani atugassanngortinneqarsimasut km.-it tamaasa 5 kr.-inik naliler-lugu angissulerneqarpoq. Takuuk biileqartitaanerup akileraartarneq pillugu suliarineqar-tarneranut tunngatillugu kaajallaasitaq nr. 1, 17. september 2012-imeersaq.

6. Akeqanngitsumik telefoneqartitaanerup nalinga, ukiumut 6.000 kr.

7. Akeqanngitsumik internettersinnaatitaanerup nalinga, ukiumut...6.000 kr., takuuk Inatsisartut inatsisaat nr. 11, 1/12-2021-meersaq.

8. Kalaallit Nunaanni tjenestemandinut maleruagassiat naapertorlugit namminersortuni Pi-sortaniluunniit atorfillit **akiliunneqarlutik feeriarlutik angalanerisa nalingat** akileraaruteqaataassanngilaq inoqutigiinni inuk ataaseq ukiumut ataasiarlugu akiliunneqarsimappat.

Akeqanngitsumik angalanerup ataatsip saniatigut akeqanngitsumik angalanerup nalinga 2023-mut inummumut ataatsimut angalanermut ataatsimut 18.086 kr.-iuvoq.

9. Inuussutissarsiutinut peqatigiiffinnut ilaasortaanermut akiliutit

ilanngaatigineqarsinnaapput. A-kassemut akiliutit aammalu efterlønisiaqalernissamut akiliutit **ilanngaatigineqarsinnaanngillat**.

10. Ulluunerani imaluunniit ulloq unnuarlu paaqqinnittarnermi ilanngaattissat:

a) Ulluunerani paaqqinnittarnermi aningaasarsiat 1/5-ii uppersaasernagit ilanngaatigineqarsinnaapput, annerpaamilli qaammammut meeqqamut ataatsimut kr. 1.170-t.

b) Utaqqiisaasumik ilaqutariini aammalu **pisariaqartitsilluni paaqqinninnermi** aningaasarsiat annertoqataannik uppersaasernagit ilanngaatigineqarsinnaapput.

c) Paaqqinninnermi aningaasarsiat nalinginnaasut (Ilaqutariit paarsisartut pillugit Namminersorlutik Oqartussat Nalunaarutaanni nr. 13, 10.10.2019-imeersumi § 21, imm. 2, imm. 3 aamma imm. 4 tunngavigalugu tunniunneqartut) angeqqataat uppersaasernagit ilanngaati-gineqarsinnaapput. Aningaasartuutiviilli aningaasarsianit nalinginnaasunit amerlaneruppata, taava aningaasartuutit uppersaasernerneqarsinnaasut aningaasarsianut nalinginnaasunut taarsiullugit ilanngaatigineqarsinnaapput.

11. Parnaarussanik isumaginninnermi aningaasartuutit uppersaasernagit parnaarussamut ataatsimut ulloq unnuarlu 163 kr.-t ilanngaatigineqarsinnaapput.

12. Nerisaqarnermut aammalu ineqarnermut/najugaqarnermut il.il. aningaasartuuteqarnerulissutit ilanngaatiginerat:

Akileraartartoq suliamut/inuussutissarsiornerminut atatillugu najugaqarfimmi/illoqarfimmi/sullivimmi (Kalaallit Nunaanni) utaqqiisaasumik avataani sulitilluni, tamatumunngalu atatillugu nerisaqarnerminut (takuuk imm. a) kiisalu ineqarnerminut/najugaqarnerminut (takuuk imm. b) aningaasartuuteqarneruleruni, aningaasartuuteqarnerulissutini tamakku **uppersaasarsinnaasani** ilanngaatigisinnaavai. Taamaattorli akileraartarnermut inatsimmi § 34, imm. 1, nr. 8 naapertorlugu akileraaruteqaataasussanngitsunik ullormusiaqartitsisoqarsimatillugu aammalu/imaluunniit angalanersiuutisiaqartitsisoqarsimatillugu ilanngaateqartoqarsinnaanngilaq.

a) Nerisaqarnermut il.il. aningaasartuuteqarnerulissutit:

Aningaasartuuteqarnerulissutit nalilerneranni, ullormut aningaasartuutit akilerneqarsima-sut uppersaasatitallit "akeqanngitsumik nerisaqarnerup" ullormut nalinga Naalakkersuisunit aalajangerneqarsimasooq qaangersimappassuk, taava taakku nikingassutaat ilanngaatigineqarsinnaapput.

b) Ineqarnermut/najugaqarnermut aningaasartuuteqarnerulissutit:

Kalaallit Nunaanni angerlarsimaffittut illoqarfiup/nalinginnaasumik sulliviup avataaniinnermi akeqanngitsumik ineqartitsisoqarpat - sulisitsisup najugassaqarfiutaani taassumaluunniit akiligaani - taassuma nalinga akileraaruserneqassanngilaq, akileraartartup Kalaallit Nunaanni inigivigisani/najugarisani pigiinnarpagu.

Piffissaq eqqorlugu kingusinnerpaamik tunniussiffissaq tassaavoq 1. maj 2024.

Tunniussiffissamut piffissaliussaag ullormik ataatsimik qimmorneqarneri tamaasa akileraarutissat tapiliussamik 200 kr.-inik qaffanneqartassapput, taamaattorli inunnut tunngatillugu annerpaamik 2.000 kr.-inik, aammalu namminersorlutik inuussutissarsiutinik ingerlataqartunut kiisalu selskabinit assigisaanullu tunngatillugu annerpaamik 5.000 kr.-inik.